



Comentario

PERDE RUMBO

Tin hende cu tin, of poco memoria, of falta di consenhi, pa nan ta sinta tilda DIARIO y Camara di Comercio pa motivo cu DIARIO a entrevista Mr. Henny Eman como lider di AVP y Sr. Eric d'Arnauld ariba e resultado di eleccion di Staten y ariba e proximo gobierno cu mester ser forma.

Den number di Comision di Campaña Nacional di M.E.P. Sr. Hyacintho Geerman ta haya ta bon pa ataca DIARIO cu a entrevista Henny Eman y tambe pa ataca Camara di Comercio cu a trece su punto di bista dilanti.

Hyacintho Geerman no ta compronde cu ARUBA ta y Dios haci cu e por sigui ser un PAIS liber di expresion, esta un pais unda cu tur hende tin e derecho di expresa su deseo sea cu Hyacintho (Chinto) Geerman ta gusta of laga. Nos ta bibando te awor aki den un pais liber, unda cu te hasta Hyacintho Geerman tin derecho di expresa su deseo sea den un comunicado, courrant of via cuallier radio emisora of planta di television. Chinto bo a manda un comunicado pa DIARIO unda bo ta ataca DIARIO y Camara di Comercio, y e comunicado a ser publica sin kita nada for di dje. Como cu bo no a compronde e entrevista di ajera y cu bo a yega te asina leeuw di bisa cu DIARIO ta perde Rumbo, no ta keda otro recurso di muestra bo cu ta grandemente equibo. Lesa un noticia ta menos mal, pero compronde e noticia ta importante.

MEP a gana e eleccion cu 10 asiento, pero ainda MEP no a forma un coalicion pa bay goberna, y si ta cu e mentalidad di Comision di Campaña Nacional di MEP nos tin cu bay goberna, Dios warda nos. MEP mester yega na un acuerdo cu e otro partidonan pa bay goberna, e pregunta ta keda cu cual partido, y si MEP no yega na un acuerdo cu ningun di e tres partidonan cu tin un asiento, MEP lo bay forma coalicion cu AVP ? ta preguntanan cu mester di contesta.

DIARIO como medio di comunicacion tin derecho te awor aki di entrevista tur persona y ta keda na e persona si e ta desea di contesta e preguntanan cu ta ser haci na dje. No tin cuenta di puntra Chinto Geerman si por haci e entrevista y mas ainda esun cu tin di contesta na un acuerdo cu ningun di e tres partidonan cu tin un asiento, MEP lo bay forma coalicion cu AVP ? ta preguntanan cu mester di contesta.

DIARIO a entrevista Henny Eman y Sr. Eman a contesta loque a ser publica den DIARIO Diarazon ultimo, y no ta DIARIO a bisa cu A.V.P. tambe por forma Gobierno, unicamente DIARIO a publica loque Sr. Eman a bisa den su entrevista. Sr. Eman a duna tres alternativa y tur tres a worde publica, pero no ta uno mester piki pa profocacion.

Loque ta e parti di Camara di Comercio ta mescos, pregunta a ser haci y contesta a ser duna y publica. Deseo di Camara di Comercio ta pa Vak-Minister esey no por ser kita ni pa DIARIO corda pa e Comision di Campaña Nacional di MEP. Si ta asina Aruba tin cu sigui cu no por haci pregunta, ni por contesta mas sin aserca Comision di Campaña di MEP prome, situacion ta birando tristo apenas un paar di dia despues di eleccion.

Si MEP tin homber y muher capaz pa goberna ta berdad, pero MEP no por Goberna cu 10 asiento. Kico ta para si e otro partidonan ta desea Vak Minister den un coalicion? ta bisa nan no? pasobra cu Comision di Campaña di MEP no ta desea esey. Comision di Campaña di MEP ta lubida masha liber. Diamars ultimo DIARIO ta publica un telegram cu Nelson Oduber Lider di MEP ta protesta censura di expresion serca Ministro di Comunicacion y Trafico Mr. Bermudez, relaciona cu e programa "Enfoque 90". Un dia despues, un comunicado di Comision di Campaña Nacional di MEP ta ataca expresion di otro hende y asina trata di caba cu libertad di expresion. Esey bo ta yama PERDE RUMBO. Si Comision di Campaña di MEP ta contra declaracion di Henny Eman y di Camara di Comercio, esey ta nan asunto, pasobra den un pais liber tur hende tin derecho di expresa su deseo.

MEP tabata tin tres voto di mas

ORANJESTAD (AAN) - Ayera main- ta miembronan di Consejo Supremo Electoral a reuni den un seccion publico especial pa controla dos stemlocal di e ultimo eleccion di Staten cu a tuma lugar Diabierna ultimo. Ta trata aki di stemlocal number 12 Pius X School Dakota y Rode Kruis Post tambe di Dakota.

E stemlocal 12 a ser controla debi cu no tabata tin e lista di conteo.

A sali na cla cu M.E.P. tabata tin 3 voto di mas, prome resultado dia di eleccion M.E.P. a obtene 232 voto. Conteo individual di cada candidato a sali na cla cu e total ta 237 voto. Ayera den e conteo cu miembronan di Consejo Electoral a haci a resulta cu M.E.P. tabata tin 3 voto di mas. Nelson Oduber tin 1 voto di mas y Rudy Croes dos voto di mas.

Finalmente M.E.P. a obtene na e stemlocal aki 234 voto.

Comision pa Campaña Nacional di MEP:

DIARIO ta perde rumbo

ORANJESTAD (AAN) For di Comision pa Campana Nacional di M.E.P., DIARIO a haya e siguiente comunicado firma pa Hyacintho (Chinto) Geerman, ta bisa cu "DIARIO TA PERDE RUMBO".

E comunicado ta bisa lo siguiente: Awe Januari 11, (Red, ayera), nos por a lesa den e Matutino DIARIO cu A.V.P. tambe por forma Gobierno. Pueblo esakinan ta un paar di hende cu te ainda nan no a bolbe na tino. E deseo sagrado di Pueblo tin hopi di nan ainda den un trance y ta vlota y no por pisa tera ainda. Hopi di nan no kier compronde cu e Pueblo Arubano bo no por cumpre cu placa y mucho menos profoca su deseo pa Gobernacion. Ex-Prome Ministro Eman mes ta bisa claramente cu ta M.E.P. mester forma Gobierno. Delaster eleccion AVP a haci abuso di e Partidonan chiquito y awe AVP a casi caba cu nan.

E comunicado di e Comision pa Campana Nacional, ta sigui bisa, awe cu MEP tin casi 11 asiento, si AVP purba di sigu cu e fomenta problema cu e no por soporta. Arubianonan tin respel pa tur hende cu tin placa y poder exclusivo pa scirbi loque nan ta desea, pero nos kier spiertanan cu e 29 can-

didatonan di MEP ta esnan cu ta bay dicidi e rumbo di Gober-nacion, hunto cu algun otro partido. MEP ta acepta tur sugerencia, pero si nos kier spierta Camara di Comercio si nan kier Vak-Minister anto nan mester lanta nan mes partido. Ta un bofta den cara di Pueblo pa acepta Vak-Mini-

ster, mientras cu ariba lista di MEP tin homber y muhernan capas y cu experiencia te sobra. Camara di Comercio su peticion pa Vak-Minister ta un insulto serio pa tur Can-

didatonan di tur partido serio. Den pasado esaki tabata posible pasobra nos tabata den Antiya, pero awe ta prome bez cu nos a vota pa Goberna e Pais Aruba. E principio Nacional Arubano mester ta democraticamente respeta y no ta permiti hunga cu deseo di Pueblo Votador.

Pueblo mester wordo Gober-na pa Pueblo y bao ningun cir-cunstancia pa cierto previligiadonan cu ta para manera cayman a boca di Rio. Camara di Comercio boso deseo ta wordo husga igual cu tur otro gremio den nos com-unidad, pa asina nos por alcan-sa un futuro briyante pa un y tur y no pa un grupo cu di tempran ta busca privilegio riba custia di Pueblo.

Segun un nota di e com-unicado: Comision pa Cam-paña Nacional su trabao ta caba despues cu Gobierno keda forma!

Un persona ya a worde poni den libertad Dos persona te ainda deteni den caso di motor di drag

ORANJESTAD(AAN) -- Manera ya DIARIO a publica, recientemente autoridad a detene tres persona kendenan ta worde sospecha di ta envol-vi den importacion di un motor di drag sin paga impuesto.

Fuenternan bon na altura a duna di conoce na DIARIO cu e personanan deteni ta: L., K. y D. Entre e detenidonan aki tin un miembro di Douane y un persona cu ta traha na un radio emisora.

E detenido L. su abogado ta mr. Herrera, kende recientemente a yega for di Hulanda. Diamars e detenido aki mester a presenta dilanti Fiscal pa asina determina si ta prolonga su detencion.

Abogado mr. Herrera tambe tabata presente y a muestra Fiscal cu no tin ningun motibo pa prolonga detencion di L. E abogado aparentemente a logra convence Fiscal ya cu ayera den horanan di mainta e

homber L. a worde poni den libertad.

Pa loke ta trata e otro detenidonan ta asina cu ainda nan ta deteni pendiente mas in-vestigacion.

E detenido K. ta worde defendi pa abogado mr. Croes mientras cu D. ta worde defen-di pa abogado mr. Bikker. Informacion cu DIARIO ta dispone di dje ta indica cu e caso aki ta bao di completo in-vestigacion.